



Notat

Til
Kopi til:

Saksbehandlar: Rådmann/Åse Elin Myking
Vår referanse: 20/532 - 20/4105
Dato: 11.05.2020

Emne: SVAR PÅ SKRIFTLIGE SPØRSMÅL I KOMMUNESTYRET 19.05.2020

Spørsmål til ordfører frå Jahn Olav Nordheim

Kommunen/kultur deler vanlegvis ut støtte til dei ulike 17.mai-nemdene ut frå elevtal i skulekrinsen. Når det ikkje vert skipa til lokale arrangement så har vel 17.mai-nemdene lite utgifter òg i samband med denne dagen, og grunnlag for å søkja støtte fell vekk. Kan desse midlane i staden nyttast til å dekkja kostnader med VP sin jobb i år?

Svar: Vaksdal kommune sine utbetalingar til 17-mai nemdene er allereie gjennomført for dei fleste skulane. Fristen for søknad var 1 mars og tilskotet er utbetalt etter det. Dei som ikkje har søkt til denne fristen har ny frist tidleg på hausten og det er tenkt at dei skal bli behandla likt med dei som søkte pr 1 mars, dvs tilskotet blir betalt ut på vanleg måte. Tilskotets størrelse heng saman med elevtalet på dei forskjellige skulane.

Spørsmål frå Boris Groth, FRP

Spm 1:

Ref. diskusjon i førre kommunestyre og formannskapsmøte om eigedomsskatt og kommunale avgifter for å lette børa for innbygarane under Koronapandemien.

Som eg nemde i innlegg for FrP så meiner me det er langt betre å heller vurdere å ettergje ein eller fleire terminar hausten 2020, enn berre å utsetje betalinga.

-Vil difor spørre om det er mogleg å ettergje ein eller to terminar av eigedomsskatt for husstandar og næringseigedomar, og/eller kommunale avgifter i 2020.

-Kan kommunen i så fall få den reduserte inntekta kompensert frå krisepakker frå Staten?

-Ser evt. Rådmannen andre alternative konkrete måtar ein kan lette den økonomiske børa for innbygarane og næringslivet i 2020?

-Om det ikkje er mogleg å svare i/til formannskapsmøte 05.05.2020, kan svar utarbeidast før neste kommunestyremøte?

Svar: Spørsmålet som blir stillt omhandlar om kommunen kan ettergje eigedomsskatt og eller kommunale avgifter. Svaret her rettar seg mot eigedomsskatt då dei kommunale avgiftane (VA) er

sjølvkostområder og årets utgifter skal dekkjast inn av årets inntekter. Dersom ikkje inntektene dekkjer utgiftene på det einskilde sjølvkostområde vil dette medføre underskot på området og dette underskotet vil følgje området til neste år (satsane må då aukast).

Eigedomsskatten, og betaling av denne, er regulert i Eigedomsskatteloven. Utskriving av eigedomsskatten i Vaksdal kommune for 2020 følg budsjettvedtaket i desember 2019 punkt 3:

I medhald av eigedomsskattelova § 2 og §3a vert det skrive ut eigedomsskatt på faste eigedomar i heile kommunen i 2020. Alminneleg eigedomsskattesats vert sett til 7 promille i 2020 med unntak av eigedomsskatt for bustad- og fritidseigedomar som vert sett til 3,2 promille. For kraftanlegg vert § 8B i eigedomsskattelova lagt til grunn. For eigedom eigd av stiftingar og institusjonar med allmennyttig formål, som er ført opp på eigedomsskattekontoret si liste av 26.02.2010, vert det i medhald av § 7a gjeve fritak for eigedomsskatt. Fritak vert gjeve i 10 år for nye bygningar som heilt eller delvis vert nytta til husvære jf §7c. Eigedomsskatten for 2020 forfell til betaling i 4 terminer saman med kommunale avgift er.

Utsatt betalingsfrist er regulert i eigedomsskatteloven §25 og lemping/ettergjeving er regulert i lovas §28. Utsatt betalingsfrist blir gjeve enten ved å logge inn på «Min side» på vaksdal.kommune.no eller ved kontakt med kommunen. Lovteksten §25 seier at kommunen kan i «særlege høve» gje betalingsutsettelse på eigedomsskatten men kommunen er ikkje forplikta til å gje dette. Lovteksten seier altså «kan» men vaksdal kommune har gjeve utsettjing til dei som har spurt. Likebehandlingsprinsippet der derfor opprettholdt ved spørsmål om utsettjing.

§ 28 i eigedomsskatteloven omtalar lemping eller ettergivelse av eigedomsskatt. I tillegg til at det må være «særlege grunnar» som i §25 må det også være «særs urimeleg» å krevje inn eigedomsskatt for at kommunen skal kunne ettergje eigedomsskatten, jf §28. Altså er det ein høgare terskel for å få ettergitt eit krav enn ei utsettjing av betaling. I førearbeidane til loven leggjast det vekt på at ettergjevelse kun skal nyttast som reine unnatak og at det ofte vil være tilstrekkeleg med ein utsettjing av betalingen. Førearbeidane gjer også inntrykk av at det ikkje er tilstrekkelig med inntektsbortfall aleine men det er den einskilde skatteytars totale økonomiske situasjon som må vurderast samla sett. Bestemmelsene åpnar ikkje for at kommunane kan foreta ein generell nedsettjing for ein gruppe men det må gjerast ein vurdering i kvart enkelt tilfelle. KS sitt eigedomsutval (KSE) har utarbeida ein rettleiar som vi legg til grunn ved klager eller søknad om ettergjeving. Krava er strenge og vi har ikkje hatt tilfelle som har vorte ettergitt etter §28.

Ein praksis med ettergjevelse vil raskt utfordre likebehandlingsprinsippet mellom skatteytarane. Ettersom koronautbrotet rammar dei aller fleste på eit eller anna vis vil det i praksis bli vanskeleg å trekkje ei grense for når det vil være «særs urimeleg» å krevje inn eigedomsskatten, mot tilfelle der det kun er «særlege grunnar» som er tilfelle. For bedrifter vil det også kunne oppstå ulike problemstillingar knytta til (ulovleg) statsstøtte, jf uttale frå landsforeningen for vasskraftkommunar.

Ein ettergjevelse av 2 terminar vil halvere inntekta frå eigedomsskatt til kommunen. Dette vil utgjere eit inntektstap på om lag 18-20 millionar til kommunen. Det er ikkje signalisert at dette vil kunne dekkast inn av ekstraløyvingar frå staten og vil være særdeles dramatisk for kommunen sin økonomiske situasjon og evna til å levere gode tenester til innbyggjarane. Kommunen har store investeringsprosjekt på gong, nokon som allereie er i gong og andre som er i anbods/utgreiingsprosess. Når prosjekta er klare vil desse starte opp og gje arbeid til ulike yrkesgrupper. Det vert også førebudd andre mindre prosjekt om det kjem statlege tiltaksmidlar til kommunane. Kommunen må heile tida følgje anbodsreglane for anskaffingar og tildele kontraktar til dei som vinn konkurransar på like vilkår. Det vert elles oppfordra til at bedrifter og private nyttar seg av dei statlege ordningane som vert gitt og som venteleg vil lette situasjonen for dei som er hardt råka.

Spm 2:

Kva er status per no på ekstrakostnader i samband med Koronapandemien i Vaksdal?

Svar: Vaksdal Kommune sine kostnader med korona pandeemien er pr. april ca 5,6 mill.

Spm 3:

Kva er status på prosjektet med Fritidskort for born og unge i Vaksdal som vart vedteke i budsjetthandsaminga for 2020?

Svar: Vaksdal kommune søkte medio februar 2020 Barne-, ungdoms- og familiedirektoratet (Bufdir) om tilskot til fritidskort à kr. 1 mill + eigenfinansiering à kr. 295 000. Pilotprosjektet hadde ei ramme på 45 millionar kroner og direktoratet mottok i alt 193 søknadar. Bufdir tildelte tilskot til 12 kommunar. Vaksdal kommune var dessverre ikkje ein av desse kommunane og vi fekk i brev 15.04.20 avslag på søknaden.

Spm 4:

Er det vurdert om Vaksdal Kommune har moglegheit for å legge til rette for ekstra sommarjobbar i t.d. teknisk avdeling i år, for å gje moglegheit for arbeidserfaring for unge som denne sommaren står i fare for ikkje å kunne få sommarjobbar pga koronasituasjonen?

Oppgåver kan t.d. vere å styrka vedlikehaldsarbeidet på kommunale bygg, eigedomar og park/leike/grøntområder gjennom sommaren der det er kjent behov.

Svar: Kommunalteknisk drift har gjennomgått kapasitet og smittevernreglar knytt til dette. I år vil me kunne ta i mot fire stillingar som sommarjobb i ferien.

Spm 5:

Tida me er inne i er særst vanskeleg for kultur og idrettslivet, og råkar desse ekstra hardt med betydeleg redusert aktivitet og mange avlyste kultur og idrettsarrangement.

Dette igjen gjer at viktige inntekter til lag og foreiningar nødvendigvis i år er sterkt redusert, og etterkvart kan gå ut over viktige tilbod for særskild born og unge, men og mange andre.

Lurte derfor på om alle kommunale tilskot til desse områda likevel vert utbetalt som normalt, på tross av t.d. avlyste arrangement o.l.?

Slik me forstår det dekkar kompensasjonsordningar frå statlege myndigheiter hovudsakleg bortfall av billettinntekter o.l., men ikkje bortfall av t.d. vaffelsal og andre viktige kioskinntekter.

Er dette korrekt oppfatta?

I så fall burde kanskje Vaksdal kommune vurdert om det er mogleg i årets ekstraordinære situasjon å auka tilskota noko til råka lag og foreiningar i kommunen?!

Svar: Sjå svar på spørsmål frå Jahn Olav Nordheim. Øvrige tilskot etc, utanom dei omtala 17-mai nemdene, som kommunen betalar ut til, går også som normalt og utbetalingar er ikkje stoppa som følge av korona. Når det gjeld dei statlege ordningane og kva dei dekkjer så henvises det til regjeringen sine sider for å få detaljane der. Dei kommunale tilskota er ikkje vurdert auka og spørsmålet må også sjåast samman med at utgiftane lokale lag og organisasjonar har, til ikkje gjennomførte arrangement, også fell bort.

Spm 6:

Kva er status per no for rullering av Ungdomsplan for Vaksdal kommune som vart vedteke i budsjetthandsaminga for 2020?

Svar: Ungdomsrådet i Vaksdal hadde i møte 5. februar ein innspelsrunde til arbeidet med ungdomsplan. Spørsmåla vi tok utgangspunkt i var:

- Kva er viktig for at barn og unge skal trivast og ha det bra i Vaksdal?
- Kva tilbod har barn og unge i Vaksdal på fritida i dag?
- Kva fritidstilbod me ynskjer som me ikkje har i dag?

Ungdomsrådet kom med gode innspel til møteplassar, arrangement og ulike aktivitetar. Dette skal ungdomsrådet arbeide vidare med når vi fysisk kan møtast igjen. Medverknad frå ungdommane er særleg viktig i denne planen.

Spm 7:

Kva er status per no for sak vedrørande disponering av Dalekjellaren fast til klubblokale for Dale ungdomsklubb, som vart vedteke i budsjetthandsaminga for 2020?
Kjem denne saka opp før sommaren?

Svar: Saka er ikkje klar enda, det er nødvendig å vurdere nærare drift/bruk av bygget ut frå fleire omsyn. Ved opning av ny skule på Dale er det planlagt at ungdomsklubben skal nytte areal der.

Spm 8:

Styrking og tilrettelegging for det lokale Næringslivet er i noverande situasjon viktigare enn nokon gong, og det er generelt viktig å gje bedriftene våre føresseielege gode rammer og tilrettelegga for vekst. Kva er status for arbeidet med rullering av Næringsplan for Vaksdal kommune som vart vedteke i budsjetthandsaminga for 2020?

Svar: Arbeidet er under organisering og planlegging med tanke på oppstart.